



Inatsisartunut

Jens NapätôK', Naleraq

**ESANI eqqagassalerinerlu pillugit § 37 naapertorlugu apeqquteqaammut
nr. 146-2025-mut akissut**

Asasara Jens NapätôK'

Inatsisartut suleriaasianni § 37, imm. 1 naapertorlugu

146_2025_ESANI_og_affaldshåndering_JNAPP_Apeqquteqaat/Spørgsmål
pillugu Naalakkersuisunut apeqquteqaateqarputit.

Brevdato: 10-09-2025

Sagsnr.:

Akt-id: 25707664

Postboks 1614

3900 Nuuk

Tlf.: (+299) 34 50 00

Fax: (+299) 34 54 10

E-mail: pan@nanoq.gl

www.naalakkersuisut.gl

Apeqquteqaatit saqqummiussatit oqartussaaffinnut assigiinngitsunut tunngasuup-
put. Apeqquteqaativit ilaat Aningaasaqarnermut Naalakkersuisoqarfimmut tun-
ngasuupput, ilaallu Avatangiisinut Naalakkersuisoqarfiup akisussaaffeqarfiinut
tunngasuullutik. Tamatuma saniatigut ESANI A/S tapiliussitinneqarpoq, apeqqu-
tit arlallit ESANI A/S-ip suliffeqarfittut ulluinnarni suliaannut ingerlatsineranullu
tunngammata, kiisalu eqqagassalerineq kommunip akisussaaffiisa ilarimmassuk.
Apeqqutitit uannut akisassanngorlugit innersuunneqarput.

**1. Naalakkersuisut nassuiaateqarsinnaappat qanoq ilinikkut Nuummi
Sisimiunilu eqqavinnik ikuallaaviit nutaat marluk sineriammi inoqarfinni
eqqagassalerinikkut ajornartorsiutinik aaqqiiniarnissaat naatsorsuutigine-
qarpa. Sumiiffinni assigiinngitsuni eqqaavinni immikkoortitsiviusumi unga-
sinnerusumilu ikuallattoqarnerani naleqqutinngitsumillu ingerlanneqartar-
tunut atatillugu?**

Akissut:

Kommunit eqqagassalerinerimut eqqakkanillu igitsinerimut akisussaaffeqarnermi
akisussaasuupput. Kommunit eqqagassalerinerimik eqqakkanillu igitsisarneq aki-
sussaasuupput. Ilaatigut tamatuma nassatarisaanik kommunini eqqakkanik
tigooqqaaviit passussiviillu il.il. ingerlanneqarneri isumagisaraat. ESANI A/S
kommunit ataatsimoorlutik eqqagassaleriffiutigaat, kommunit eqqakkanik
ikuallanneqarsinnaasunik passussinerannik ikiuuttusaaq.

Tassalu kommunit inoqarfinni ataasiakkaani unammilligassanut aalajangersima-
sunut akisussaasuupput isumaginittusaaallutillu.

Naalakkersuisut inatsisitigut tunngavissanik pisariaqartunik qulakkeerinissaaq,
kiisalu kommunit suleqatigalugit eqqagassalerinerimi ineriartortitseqqinnermut
malinnaanissaaq akisussaaffigaat. Tassalu kommunit ukiuni arlalinni kommunini

eqqagassalerinermik ineriartortitsinissamut Avatangiisinut Aningaasaateqarfimmiit tapiiffigineqartarsimavoq.

Esani ilisimatitsivoq, Kalaallit Nunaanni eqqakkanik tamanik passussinissamut pisinnaasaqarlutik.

Taamaalilluni Eqqagassalerinermut Pilersaarut 2020-2031-mi nuna tamakkerlugu anguniakkat, ataatsimoorluni ikuallaasarnermi aaqqiissutissanut aammalu ikuallaaviit nutaaliaasut, qitiusumik inissitat, avatangiisinut piumasaqaateqarfiusut (soorlu EU-mi aniatitsinissamut malittarisassat 2024-meersut malinnissannut) atulernerini uninngasuutinik piiannissamut sinaakkutissanik aalajangersaaffiusut taparserneqarput.

2. Naalakkersuisut imaluunniit Esani A/S eqqaaviit Nuummi Sisimiunilu ikuallaaviit nutaaliaasunut nassiunneqartarnissaat qulakkeerniarlugu aalajangersimasunillu suliniuteqartoqarnissamut aningaasaliisoqarnissamullu qanoq ittunik pilersaaruteqarpat, – iilaatigut assartuinermi aaqqis-suussinerit, umiatsianik nassiussinermi periarfissat kiisalu immikkoortiteriviit pillugit?

Akissut:

Oqaatigineqareersutut eqqagassalerinermut akisussaaffik kommunini inissisimavoq. Avatangiisinut Aningaasaateqarfik ukiorpasuani kommunit eqqagassalerinermik ineriartortitsinerannut pitsanngorsaanerinullu tapeeqataasarsimavoq. Tamatuma aamma ukiuni tulluittuni ingerlaqqinnissaa naatsorsuutigineqarpoq. Assersuutigalugu immikkut ittunik suliniut Eqqakkat 2024-2025 taaneqarsinnaavoq, tassanilu Avatangiisinut Aningaasaateqarfik aqqutigalugu ukiunut marlunnut 15 mio. koruunit tikillugit immikkoortinneqarput. Avatangiisinut Aningaasaateqarfimmiit aningaasat kommuninut tapiissutitut atorneqarput, taamaalillutik tamarmik eqqakkanik assartuunneqartussanik piareersaasarniasammata. Tassalu 2024-2025-mut kommunit tamarmik immikkut 3 mio. koruunit tikillugit immikkoortitsiffigineqarput.

Pinngortitamut Avatangiisinullu Naalakkersuisoqarfimmiit ESANI A/S akissuteqartinneqarpoq, tassanngaanniillu imatut paasissutissiisoqarpoq:

Esani ilisimatitsivoq: *“Eqqakkanik immikkoortiterineq poortuinerlu kommunit suliaassaraat. Avatangiisinut Aningaasaateqarfik 2019-imili kommunit suliniuteqarnerannut atortussanullu tapiissuteqartarsimavoq, eqqakkat isumannaatsumik poortorneqarnissaannut qulakkeeriffiusunik. ESANI kommunini piginnittuusuniit eqqakkanik illoqarfinnit nunaqarfinniillu assartuussinermut akisussaasuvoq, tamannalu assartuussisartunut namminersortunut aammalu pisuni ataasiakkaani Royal Arctic Line-mut isumaqatigiissuteqarnikkut ingerlanneqartarpoq.”*

3. Naalakkersuisut Esani A/S aningaasanik amerlanerusunik atorniarsinnaalernissaa ajornakusoortutut isigaat?, - qanoq akilissanerlugit suliffeqarfiullu aningaasaatai siunissami isumannaatsumik inissisimatinniarlugit pilersaaruteqanngippata?

Akissut:

Pinngortitamut Avatangiisinullu Naalakkersuisoqarfimmiit Aningaasaqarnermut Akileraartarnermullu Naalakkersuisoqarfik akissuteqartinneqarpoq, tassanngaanniillu imatut paasissutissiisoqarpoq:

“Naalakkersuisut 11. juuli 2025-mi ESANI A/S-ip 500 mio. koruuninik KommuneKredit-imiit taarsigassarsisinnaaneranut tunngavissaq akueraat, tassani piumasagaatitut aalajangersarneqartut, qinnuteqarnermut tunngaviliussat, taarsigassarsisinnaanermillu naliliineq tassunga atasoq aallaavigineqarlutik.

Tassani allassimavoq, aatsaat Esani A/S ingerlatseqatigiiffiup kommuninut piginnittunut akigititaminik 14,3%-inik iluarsinissamik, kiisalu 2026 aallarnerfigalugu eqqakkanik allanik passussisalernissamik aalajangiisimasoq uppersarsarneqarsinnaappat taarsigassarsitinneqarsinnaassasoq.

Isumaqatigiisummut tunngaviusumi allassimavoq, aningaasaliinissamut suliaq aallaqqaammut ilusiligaanermi immiut akilersinnaassusissamut piumasagaatitut naammassinniffiunngitsoq. Taamaattumik taarsigassarsinissamut akuersisuteqartoqassappat, Esani A/S-ip akinik iluarsinissamut aalajangiussinermik, suliaq aningaasaqarnikkut immiut naammassinninnissaa piumasarineqarpoq, naak piffissami akuersissuteqarfiusumi ingerlatseqatigiiffiup aningaasaqarneranut tamarmiisumut piffissamut ungasissumut pilersaarummik piareersimasoqanngikkaluartoq.

Tamatumunnga atatillugu erseqqissaatigineqassaaq, Esani A/S 2. novembari 2023-mi Inatsisartut inatsisaanni akiliisinnaassusissatut piumasagaammik aalajangersarneqartumik 25%-iusumik saneqqutsinissamut akuerineqarallarnissamik qinnuteqareersimammat. Qinnuteqaatip inernerisaanik Aningaasanut Inatsimmi kontomut 20.01.01 oqaasertaliussaq nr. 2 ivertinneqarpoq, taannalu malillugu Naalakkersuisut piginnaatinneqarput, naammassinneqqinnissamut piumasagaateqarnissamut periarfissaqarlutik atuinnginnissamik akuersissuteqarallarsinnaasut. Tamanna tunngavigalugu Aningaasaqarnermut Naalakkersuisoqarfik ingerlatseqatigiiffimmut atuinngikkallarnissaanut akuersissummik nalunaaruteqarpoq.

Atuinngikkallarnissap aalajangiunneqarnerata kingorna piginnittut (kommunit) 30 mio. koruuninik aningaasaleeqqippat, taamaalillunilu aningaasaatit tamarmiisut ilaneqareernermi 122 mio. koruuninngorput, aammalu 31. Decembari 2024-mi akiliisinnaassuseq 19,4%-inngorluni. Ingerlatseqatigiiffiup aamma Naalakkersuisoqarfiup akornanni oqaloqatigiinnermi isumaqatigiissutigineqarpoq, nammineerluni aningaasaatit aamma taarsigassarsiassat akisussaaffeqarfiusut akiliisinnaassuttip naatsorsuiffigineqarnerinut ilanngunneqassasut.

Tamanna pissutigalugu Naalakkersuisuniit eqqumaffigineqarpoq, taarsigassarsisoqassappat akiliisinnaassutsimut piumasagaammik saneqqutsisinnaanermut immikkut ittumik akuersissuteqarneq pisariaqartoq, tamatumali peqatigisaanik erseqqissaatigineqarpoq, akuersissuteqarnermut ersarissunik

piumasaqaateqartoqartoq, Esani A/S-imi patajaallisaanerup aningaasaqarnikkullu tunngavissat piujuartitsiffiusussat annertusiartuaarnissaanik qulakkeerisussanik.”

4. Naalakkersuisut qanoq qulakkiissavaat innuttaasut, pingaartumik immikkoortortani avinngarusimasuni, eqqagassaqarnermut ingerlatsinermi aningaasartuutikinnerpaamik akileraartarnissaat qulakkeerneqassanersoq, taarsigassarsiat annertunerulernerisa aamma qitiusumik ingerlatsiviit ingerlanneqarnerisa kingunerisaanik?

Akissut:

Kommunit ataasiakkaat eqqakkanut akitsuusersuisinnaapput qanoq annertussusilimmik aaliangiisinaallutik, periarfissaq atorneqarsinnaasoq eqqakkanik passussinermit aningaasartuutini matussuseeqataanissaannut ilapittuutaasinnaammat. Naalakkersuisut eqqakkanut akitsuutit ataasiakkaat Kommuninit akisussaaffigineqartut aaliangersarsinnaanngilaat.

Eqqagassalerinermit aningaasalersuinermi mingutsitsisup akiliisussaanera tunngavigineqarpoq. Akitsuutit aqutigalugit aningaasalersuinermi mingutsitsisup akiliisussaanera naammassineqartarpoq, taamaattumillu tamanna aamma eqqagassanik pinngortitsisartut ataasiakkaat mingutsitsisarnerisa annertussusiinut naapertuuppoq. Tamatuma peqatigisaanik periaaseq atuisunut ataasiakkaanut ersarippoq.

Pinngortitamut Avatangiisinullu Naalakkersuisoqarfimmiit ESANI A/S akisuteqartinneqarpoq, tassanngaanniillu kommunit ilaasortaasut eqqakkanik ikuallanneqarsinnaasunik ESANI-mut tunniussinerminni qanoq akiliuteqartarnerannut tunngatillugu imatut paasissutissiisoqarpoq:

“Esani nammaqatigiinnissamik tunngaviusut malillugit sulivoq: eqqakkat ataatsimoortut (assartuunneqarneri ilanngullugit) piiarneqarnerinut akitsuutit assi-giipput, eqqakkat illoqarfinniit nunaqarfinniilluunniit piiarneqarnerat apeqqutaatinagu. Kisiannili Nuummi Sisimiunilu illoqarfinnut nunaqarfinnullu allanut naleqqiulluni 10 – 20%-inik qaffasinnerusunik akitsuuteqartitsisoqarpoq. Tamatumani illoqarfinni nunaqarfinnilu allani eqqakkanik poortuinermit saniatigut aningaasartuuteqartoqartarnera tunngavigineqarpoq.”

5. Naalakkersuisut qulakkeerniarpaat Inatsisartuni ilaasortat peqataatinneqarnissaat Esani A/S-imut akiliisinnaassuseqarnermut piumasaqaat immikkut akuersissuteqarnerup iluani piumasaqaatinik aalajangersaanermi, soorlu aningaasaqarnikkut aaqqiinikkut, ersarissaanikkut aammalu nalunaaruteqartarnikkut?

Akissut:

Pinngortitamut Avatangiisinullu Naalakkersuisoqarfimmiit Aningaasaqarnermut Akileraartarnermullu Naalakkersuisoqarfik akissuteqartinneqarpoq, tassanngaanniillu imatut paasissutissiisoqarpoq:

”Ingerlatsinerup, pingaartumillu suliiani, inatsisini piumasaqaatinik atuuttunik saneqqutsigallarnissamik akuersissuteqarfiusuni aningaasaqarnikkut ersarissu-

mik isumatusaartumillu ingerlanneqarnissaata isumaa Naalakkersuisunit eqqu-maffigineqarpoq, tassungalu Inatsisartut inatsisaanni nr. 23-mi 2018-imeersumi akiliisinnaassuseqarnissamut piumasaqaat ilaatinneqarpoq. Tamatuma saniatigut erseqqissassallugu pingaaruteqarpoq, inatsisit naapertorlugit taarsigassarsinissamik suliani aalajangersimasuni piumasaqaatinik aalajangersaasarneq aqutsinissamut piumasaqaateqarfiusarmat, maleruagassani missingersuusiornermullu inatsisini atuuttuni sinaakkusiussat iluanni ingerlanneqartussat.

Suliami matumani KommuneKredit-imut taarsigassarsinissamut akuersissuteqarnermi piumasaqaatit aalajangersarneqartut arlallit tunngavigineqarput. Tassunga ilanngullugu ingerlatseqatigiiffiup aningaasaqarnermut piumasaqaatinik, suliaassami piujuartitsinermik naliliinermut tunngavigineqartunik naam-massininnissaa piumasaqaatigineqarpoq.

Naalakkersuisut pisariaqartitsineq naapertorlugu suliani assingusuni piumasaqaatit naliliinerillu pingaarnerit Inatsisartunut ilisimatitsissutigisassavaat, kisiannili erseqqissaatigineqarpoq taarsigassarsinerni ataasiakkaani aqutsinermut piumasaqaatinik aalajangersaanerit pillugit Inatsisartut immikkut akulerut-sinneqarnissaannut piumasaqaatinik allassimasoqanngimmat.”

Esani ilassusiilluni allappoq: ingerlatseqatigiiffik niuernermut pilersaarummik missingersuutitalimmik suliaqarpoq, tassanilu qanoq ililluni qaqugulu akiliisinaassutsimut piumasaqaat naammassineqarsinnaanersoq uppersararneqarpoq. Esani piginnittuminut ingerlaavartumik nalunaarusiortassaaq, aammalu ukiu-moortumik naatsorsuutitik suliaqartarpoq, tamanut ammasumik saqqummiunneqartartunik.”

6. Naalakkersuisut illoqarfiit/inoqarfiit Esani-mut ilaasortaannigitsut sullinneqarnissaat eqqaaviillu isumagineqartarnissaat pillugu qanoq ilillutik qulakkeerinnissappat? Esani A/S aningaasat 50.mio.kr. namminersorlutik oqartussanit pisimavai aammalu ilaasortat kommunit aningaasaliiffigalugit. Maannalu 500 mio.kr. -inik taarsigassarsivoq. Kommunit namminneq eqqagassaminnik aqutsiniartut arlaanik periarfissinneqassappat imaluunniit unitsinneqassappat, tassani eqqakkat annertuumik ajornartorsiutaalereerput.

Akissut: Avannaata Kommunia kommunit eqqagassaleriffiutaannut ESANI A/S-imut ilaaniarani aalajangersimavoq. Oqaatigineqareersutut eqqagassalerinermut akisussaaffik kommunit tigummivaat, taamaattumillu Avannaata Kommuniata kommunimi eqqagassalerinermik naleqquttumik peqarnissaanik qulakkeerinissaq akisussaaffigaa.

Naalakkersuisuniit kommunit ataatsimoorlutik eqqakkanut ikuallanneqarsinnaasunut aaqqiissuteqartoqarnissaa inassutigivaat. Matuma kinguliani allassimasutut Avannaata Kommuniata eqqakkanik ikuallanneqarsinnaasunut ESANI A/S-imut tunniussisarnissaaq periarfissaraa.

Pinngortitamut Avatangiisinullu Naalakkersuisoqarfimmiit ESANI A/S akissu-
teqartinneqarpoq, tassanngaanniillu imatut paasissutissiisoqarpoq:

“Avannaata Kommunia 2020-mi Esani-mut piginneqataaniarani aalajangerpoq. Tamatuma kingorna kommunit sinnerisa piginnittuunerup kingunerisaanik aningaasaqarnikkut pisussaaffiit tiguaat. Avannaata Kommuniata aamma Esani-p akornanni suleqatigiinnissamut isumaqatigiissuteqartoqarpoq, Avannaata Kommuniata sukkulluunniit eqqakkanik ikuallanneqarsinnaasunik Esani-p avataaniit sullitanut eqqakkanut akigititasi atorlugit ikuallaavinnut tunniussisinnanermik qulakkeeriffiusumik. Eqqakkanut akit Esani-p siulersuisuinit aalajangersarneqartarput.”

7. Naalakkersuisut uppersarsinnaavaat Stockholmimi isumaqatigiissutip unioqutitisoqarnerani kinguneqartitsisoqartannginnera, pissutigalugu tassunga nakkutilliisoqanngimmat?

Akissut:

Stockholmimi isumaqatigiissummik unioqutitisoqartarnerata kinguneqartitsiviusannginnera pillugu Naalakkersuisut uppersarsinnaanngillat. Kalaallit Nunaat naalagaaffeqatigiinneq tunngavigalugu isumaqatigiissummut ilaavoq, aammalu Naalakkersuisut pisussaapput, Kalaallit Nunaata nunani tamalaani isumaqatigiissutinik ilaaffigisaminik malinninnissaa qulakkiissallugu. Avatangiisinut Naalakkersuisoqarfiup avatangiisinut inatsisit nunanilu tamalaani pisussaaffiit atuuttut, tassungalu ilanngullugu Stockholmimi isumaqatigiissutip malinneqarnissaat nakkutigissallugu. Unioqutitisoqarnerani peqqusisoqarsinnaavoq, pineqaatissiisoqarsinnaavoq, siunissamilu ungasinnerusuni nunani tamalaani suliniaqatigiiffinit, isumaqatigiissutip atuunneranik nakkutilliisunit uparuaasoqarsinnaalluni. Taamaattumik Naalakkersuisut eqqakkanik ikuallaavinni eqqagassalerinermilu suliat piumasaqaatinut, nunami namminermi inatsisinut nunanilu tamalaani pisussaaffinnut malinniffiunissaannik qulakkeerinissaq pingaartippaat.

8. Naalakkersuisut uppersarsinnaavaat Avannaata Kommunia ikualaavinnik Stockholmimi isumaqatigiissummut naapertuutinngitsunik pilersitsisinnaasoq, nakkutilliisoqarsimanngimmat unioqutitsinermilu kinguneqartitsisoqanngimmat?

Apeqqutitut 7-imut aamma 8-mut akissut:

Avatangiisinut suliaasaqarfik avatangiisinik innarlitsaaliuinnermut Inatsisartut inatsisaat aamma nalunaarutit tassunga atasut aqutigalugit maleruagassiorneqarpoq. Pineqaatissiisarnermut aalajangersakkat ataasiakkaat Avatangiisinut Inatsimmi nalunaarutinilu allassimapput.

Eqqakkanik ikuallaaviit Namminersornerullutik Oqartussat nalunaarutaat Suliffeqarfiit mingutsitsivallaartut il.il. avatangiisinut tunngatillugu akuersissuteqarfigineqartarnerat pillugu nr. 11, 20. aggusti 2004-meersoq naapertorlugi avatangiisinut akuersissuteqarfigineqartussaapput. Sisimiuni aamma Nuummi eqqakkanik ikuallaaviit marluusut Naalakkersuisunit avatangiisinut akuersissuteqarfigineqarsimapput. Naalakkersuisut/Pinngortitamut Avatangii-

sinullu Naalakkersuisoqarfik suliffeqarfinnut mingutsitsivallaartunut nakkutil-
liisussaaitaapput, taakkunungalu eqqakkanik ikuallaaviit ilaatinneqarput.

Avannaata Kommunia ikuallaavinnut nutaanut aningaasaliiniarluni, imaluunniit
Ilulissani ikuallaavik ingerlateqqinniarlugu aalajangerpat, taanna Eqqakkanik
ikuallaaviit Namminersornerullutik Oqartussat nalunaarutaat Suliffeqarfiit
mingutsitsivallaartut il.il. avatangiisinut tunngatillugu akuersissuteqarfigineqar-
tarnerat pillugu naapertorlugu avatangiisinut akuersissuteqarfigineqartussaavoq.
Avannaata Kommuniata sanaartugaani Sisimiuni aamma Nuummi ikuallaavinnut
nutaanut marluusunut avatangiisinut piumasaqaatit assingi malittussaavai.

Avannaata Kommuniani ikuallaavinni avatangiisinik akuersissutini piumasaqaa-
tit malinneqanngippata, tamanna Avatangiisinut Inatsimmik/nalunaarummik
unioqqutitsinerusussaavoq. Pineqaatissiisarnermut aalajangersakkat Avatangiisi-
nut Inatsimmi nalunaarummilu allassimapput.

Inussiarnersumik inuulluaqqusillunga



Bentiaaraq Ottosen